



ANtiqva Pietas novum poscit argumentum. Facimus, quod semper factum est: ac Novo tamen CONSULI sacrum cupimus, quod nunquam oblatum est. INSIGNIA laudamus ZITTAVIENSIA, quorum laudes quarto jam seculo possidemus: neq; tamen forte quis ea vidit Hieroglyphica, quæ novam gratulandi materiam exponunt. Sic optimè conspirat annorum felicitas, si prisca subinde fiant nova, ac in vetere velut arbore novam admiremur maturitatem. Felicem diximus HARTIGIUM, quod à STOLLIO non fasces, sed ipsam anni similitudinem videretur accepisse. Felicem dicemus GIRISIUM, si nunc annum ingrediatur Hartigiano non deteriolem. Idem sit annulus, diversa gemma: similis undiqvaq; prosperitas, varia gratulatio. Aliis verbis proferamus, quod eodem affectu penetrabit in animos Patronorum. Nova pictura commendet Clypeum, ne prisca nobis gratia decedat.

Verum id præ cæteris novum sit, quod in Anno Gymnasii Jubilæo acclamationes tendunt ad GIRISIUM. Is PARENTEM habuit CONSULEM ET SCHOLARCHAM, cum ipso nostro Gymnasio natum. Seculum est, quod florere cœpit Gymnasium: Seculum est, quod vivere cœpit Senior GIRISIUS. Et, quia Parentes vivunt in Filiis, Jubilæum nunc est Girifianum. Consulem non haberemus, nisi Annus Scholæ benignus, huic Familiæ fuisset fœcundus. Nunc nobis non renasceretur in Curia CONSUL REGENS, nisi tum natus in hac urbe fuisset CONSUL futurus. Ita prospectum à Fatis, ne cito periret Jubilæi memoria. Non morietur nuperi Veris solennitas, quæ vitam recipit in hoc Autumno. Ipse crescet Scholæ favor, si communem habeat plaudendi occasionem: Eiq; propior esse putabitur hæc sedes, quia propinqvam habuit nascendi sortem.

Sed ulterius vivat cum Gynnasio, cujus vita frui cupiunt nati ad imminens seculum furculi. Audiatur hoc nomen, ubi nunc Circulus annorum inchoatur novus, & sæpe redeat Scholastica hæc gratulatio. Tardè obliviscamur GIRISII, ac, ut oblivionis genuinum adsit remedium, diu superesse jubeatur. Patriam sustineat Consilio, juvet auxilio, firmet labore. Qui multis profuit, multis profit: quin & spem multis profuturam sustentet imposterum. Salva sit cum hoc SENIORE CONSULUM Triga. Semper sibi succedant, sero habeant Successores. Adsvetæ tantis NOMINIBUS Musæ, singulis annis repetant cantilenam: BENE GIRISIUM, BENE HARTIGIUM, BENE

NE